



Daxmeh Riu Lo

妈妈笑了

Youq gij ndaejgeiq gou, daxmeh gaenq haujlai nanz mbouj riu lo. Dauqdaej baenzlawz guh cij sawj daxmeh riu ne? Gou gag doiq swheij naeuz, itdingh guh di gijmaz hawj daxmeh riu.

Miz ngoenz ndeu, gou iek daxmeh bae gunghyenz liz ranz mbouj gyae haenx. Aen gunghyenz neix miz gij dauqneix seiziq gou. Lauheiq, vuenh aen vanzging ndeu daeuj youzbyaij, simcingz daxmeh aiq ndaej ndei bw.

Daengz ndaw gunghyenz, gou caeuq daxmeh byaij youq roen iq ndaw geh faex. Daxmeh naeuz: “Mbouj roxnyinh daengz, va-gveiq cungj hai lo.” Daxmeh ngamq gangj sat, gou ngiengx gyaeuj muengh hwnj gwnz bae, dwg ha,

baenz benq baenz benq va' gveiq youq ndaw mbawfaex heu yienh ndaej daegbied singjda, fat ok cungj vahom damhdamh ndeu, lij miz sam duz roeglaej youq laj faex ra gwn. Heiq vahom riengz rumz biu bae biu dauq, sawj vunz sim sangj uk singj. Mbouj rox vih gijmaz, moix baez nyuouq daengz heiqhom va' gveiq, cungj miz cungj feih gig sug ndeu, cungj sawj gou siengj hwnj seiziq. Gou ngaenzgwd dwk ndwn youq mbouj byaij, yawj coh daxmeh. Daxmeh naengh youq laj go' gveiq, aeu gaiq fwngz cocat de lumh gofaex, riu naeuz: “Mwh mwngz lij iq ha, cei qyaez daengz laj gofaex neix guhcaemz lo, dang-seiz gizneix lij mbouj miz daengq naengh, song boux raeuz couh naengh diegnywj laj gofaex itmienh gangjgoj itmienh guhcaemz……”

Dang daxmeh gangj ok coenz

vah neix seiz, gou lumjbaenz rox le gijmaz nei. Hix cingq dwg coenz vah neix, gej ok gij ngeizvaeq gou—— gou mbouj siengj daengz gvaq, sawj daxmeh bienq ndaej vaiqvued cij dandan dwg “doxbuexn”! “Yienghneix raeuz caiq daeuj guhcaemz baez ndeu ba!” Coenz vah neix gou siengj hix mbouj siengj couh gangj ok bak daeuj lo. Gou yawj coh daxmeh, daxmeh caen lumj boux lwgnyez ndeu.

Daxmeh riu lo, riu ndaej geijlai angq ha! Seizneix gou rox lo: Bohmeh lajmbwn cungj caeuq daxmeh gou ityiengh, gyoengqde soqlaiz mbouj siengj gvaq yaek daj lwgnyez gizde ndaej daengz gijmaz, siengj aeu haenx lauheiq cij dwg lwgnyez daeuj buenx caeuq hauq-swnh.

(roek nienzgaep Vangz Yizyinz)



Gou Miz Aen Liengjva Ndeu

我有一把花雨伞

Gou miz aen liengjva baeb ndaej ndeu, neix dwg gou hwnj it nienzgaep seiz daxmeh soengq hawj gou.

Moix baez doek fwn, gou couh gang aen liengjva ndeyawj neix. Baengzliengj dwg baengzfuengzraemx saeklamz, gwnz de miz nyoemq valahbah he, giz mbouj gyae lij miz duz mbungqmbaj gyaeundeit he, cingq dingj rumz diuqfoux, gaenqliengj dwg suliu geng guh baenz, youh mbaeu youh fuengbient; ndokliengj dwg gangsei saekaeuj, baihrog suek miz caengz suliu ndeu, ndaej gig ndei gang aenliengj ok. Daj giz gyaez yawj, aen liengj gang ok haenx couh lumj aen raet hung he, youh lumj aen liengzdingz iq daenq ndaej he, gig mizyinx! Byaij youq ndaw fwn, naed fwn doek youq gwnz liengj yiengj bibi baba, lumj vih gou danz diuz go ndei dingq he, buenx gou byaij loh.

Mwh ndit haenq, lij dwg aen liengjva vih gou dangj ndit, hawj gou youq laj liengj gamjdaengz liengzsangj caeuq cwxcaih, hawj gou mbouj deng ndit dak.

Gou gyaez aen liengjva gou, de vih gou daiq daeuj fuengbient, de dwg baengzyoux ndei ndaw gwndaenj gou.

(sam nienzgaep Lu Yingzlien)

Raeuz Yaek Aeueiq Gyoengqde

我们要尊重他们

Moix baez gou byaij youq gwnz gai caezcingj seuqset, gou couh siengj hwnj boh' au daxheiz vanzvei gunghyinz baet dieg haenx.

Miz ngoenz ndeu yangghaet, gou bae hagdangz, gou itmienh byaij itmienh gwn makgam. Mwh gou byaij daengz bakdou hagdangz, raen boux boh' au vanzvei gunghyinz he cingq baet dieg, gou siengj: Gou vut naeng makgam youq gwnz dieg ba, fanjcingq boh' au baet dieg haenx gvaqdaej baet. Gou itmienh siengj, couh vut song aen naeng makgam roengz gwnz dieg

bae.

Dahraix, boux boh' au vanzvei gunghyinz byaij gvaqdaej lo —— de gip hwnj aen naeng makgam he, yienzhaeuh unqswnh doiq gou naeuz: “Siujbaengzyoux, mbouj ndaej luenh vut nyapnyaj bw, bouxboux cungj yienghneix vut, vanzging couh deng buqvaih lo.” Gou dingq le, roxnyinh gig najmong, couh ganjvaiq gip lingh aen naengmak hwnjdaej vut haeuj aendoengj coux nyapnyaj bae. Mwhde, boux boh' au vanzvei gunghyinz doiq gou naeuz: “Mwngz



caen dwg boux lwgnyez ndei ha.”

Vanzvei gunghyinz moix ngoenz mbwn caengz rongh couh hwnqdaej baet dieg, gyoengqde gig sinhoj, raeuz yaek aeueiq gyoengqde! Raeuz yaek daj seiz-neix guh hwnj, doxcaez daeuj baujhoh vanzging seuqset ba.

(sam nienzgaep Cangh Yisinh)

Duzrwi iq gag nyinhnaeuz swheij gig ak haenx caeuq gyoengq rwi miz yigen lo. De gag nyinhnaeuz swheij guh hong gig lai, hoeng ndaej gwn dangzrwi gig noix, de ienq daihgysa doiq de mbouj goengbingz, lumz gij goenglauz de, doeklaeng de hujdengdeng lizhai gyoengq rwi bae baihrog lo.

De youq yangmbwn menhmenh cwxcaih mbin dwk, ndawsim gag siengj: Hw! Gou daengx ngoenz mbouj rox hwnzngoens nyaengq dwk, vih gyoengq rwi mbouj rox lae le geijlai hanh, gyoengqde gingqyienz mbouj docih gou, mbouj vih gou laebgoeng, miz seiz lij heifouh gou, gou caiq hix mbouj ma caeuq gyoengqde youq lo, gou gag laeb doih rwi ndeu, swheij gag dang vuengz, geijlai cwxcaih ha!

Hoeng, dingjlingz miz baez ndeu, duzrwi iq yawjraen aen ciengzmienz siliengz he, sawj de gaijbienq gij siengjap de lo.

Youq benq diegnywj heuyayau

Duzrwi Nyinh Loeng Gaij Ndei

悔改的小蜜蜂

ndeu, sawqmwh feiz coemh lo, gij feiz cingq bik gyawj rongz duzmoed, gyoengq moed siengj daj baihlaeng deuz okbae, hoeng gij feiz dawz-yubyub gaenq humx ndaet gyoengqde, gyoengq moed mbouj miz loh deuz lo. “Dai lo, gyoengq moed baenzlawz guh cij ndaej ha?” Duzrwi iq doeksat dwk hemq hwnjdaej. Gig vaiq, cij raen gyoengq moed mbouj vueng mbouj linj doxcomz gvaqdaej, gyonj baenz aen giuz he, mingz rox yaek deng feiz coemh, gyoengqde cix mbouj lau saek di ringx gvaq geh feiz bae. Mwh “giuzmoed” ringx gvaq geh feiz, cij dingqnyi sing “bibi baba”, gyoengq moed youq baihrog “giuzmoed” haenx deng feiz coemh dai lo, daengz dieg

ancienz, “giuzmoed” soeng ok, gyoengq moed youq baihndaw haenx bingz-bingz an' an, geijlai yungyiemy ha! Danghnaeuz dangseiz gyoengq moed gag goq gag deuzmingh, gyoengqde itdingh cungj deng feiz coemh dai lo. Cingq aenvih gyoengqde doxgiet youq doxcaez, cij bauj ndaej dingzlai mingh duzmoed.

Duzrwi iq yawjraen duzmoed deng feiz coemh baenzneix siliengz, sawj de siengj hwnj gij saedceij ndei doenghbaez caeuq gyoengqdoih youq doxcaez haenx, de roxdaengz gij youqgaenj rengz gyoengqdoih, roxdaengz dan baengh rengz bouxdog dwg guh mbouj baenz saeh hung, cijmiz daihgysa doxcaez ok rengz, cij hoenx



hingz sojmiz gunnanz.

Baezneix deuz okbae yawjraen doenghgiy haenx, sawj duzrwi iq roxdaengz haujlau dauhleix, doek-laeng de youh dauqma rongz rwi caeuq gyoengqdoih lo. Baengzyoux gaxgonq diuqfoux angqcoux de. Daj seizde hwnj, duz rwi iq neix caeuq daihgysa doxhuz doxndei youq itheij, gaenx guhhong, vaiqvued gvaq saedceij.

(haj nienzgaep Suh Yinjungz)